



Immer wytergah #1

Du seisch, i söll jitz ändlech – wyter gah
 Unmüglech, chönn ig jitz hie – blybe stah
 I ha kei Ahnig, i weis nid won ig jitz söll – häregah
 Uf ke Fall, wett ig dir jitz hie – ir Sunne stah

Wyter, wyter, wyter, wyter, wyter gah ...

Alles was i bruuche, das han i ja scho, aber i wott –
 no meh ha
 Jede Tag ir Wuche, jedi Stund im Tag – gan i dra
 Schaffe, schufte, chrampfe, büggle, nume nie –
 nachela
 I bi ganz dick drinne, jitz muess es eifach immer so –
 wytergah

Wyter, wyter, wyter, wyter, wyter gah ...

Der Gschyder git nache,
 der Esel dä blybt, – dä blybt stah
 Vo all dene Esle, wo im Wäg umestöh, würd mi kene
 – dürela
 Derby wott i doch nume uf mym Wäg e chly –
 vorwärtsgah
 Oder chämt i äch wyter, wenn i zwüschedüre mau
 würd ... – blybe stah

Wyter, wyter, wyter, wyter – wyter gah ...
 Wyter, wyter, wyter, wyter – wyter gah ...
 Wyter, wyter, wyter, wyter – wyter gah ...

Ukulele: Dieter Buchwalder
Trompete: Mike Maurer
Backing Vocals: June Bachmann

Nei nei nei #2

Du fragsch mi, ob i di immer no gärn ha
 Ob i ds Läbe lang mit dir wöu zäme sy
 Wosch wüsse, ob i immer no so Luscht uf di ha
 Ob i für immer dir chönn treu sy

Nei nei nei
 Das chan i nid
 Nei nei nei
 So geit das nid

Wen i mir hie my Seel zum Hals ussinge
 U myni Bänd isch heiss u isch geng voll derby
 Wosch wüsse, ob mir hie no mau e Song chöi bringe
 Oder isch dä Gig hie jitz de grad verby

Nei nei nei
 Mir mache hie no lang nid Schluss
 Nei nei nei
 Itz sy mer grad so richtig im Schuss

Nei, was wosch jitz hie
 Wosch mi verseckle oder wie
 Sicher höre mir itze no nid uuf
 Mir hei die ganzi Nacht no Schnuuf
 Hei, so ne geili Fete, die zie mer itze düre
 Ja ja mach gschyder no e Fläsche füre
 Ja i weis, Zyt geit chly schnäll ume
 Aber da, da sägen i nume

Nei nei nei
 Mir höre lang lang no nid uuf
 Nei nei nei
 E so schnäu gäbe mir nid uuf

Nei nei nei
 Jitz gö mer sicher no nid hei
 Nei nei nei
 I säge NEI!

Blues Harp: Mathias Bichsel


Chasch di verla #3

I weis no guet, wo mir sy zäme cho
 Wi's mir der Ermu het ynegnoo
 U siderhär wird i di nümm los
 Du bisch mys Schicksal, du bisch mys Los

Du – bisch geng da
 Uf das chan i mi verla

U o wenn mir mau nid zäme sy
 Es geit nid anders, es muess sy
 U Ewigkeite göh verby
 Aber töif im Härz, han i di geng derby

Du – bisch geng da
 Uf das chan i mi verla



déXm CD20-02



© & (P) 2020 DeXrecords Int.

O wenn scho alles gseit #4 isch,
 es isch nid alles verloore #5
 Nei, nei, nei #2 da druf chasch di verla #3
 es wird immer wyter gah #1

dann extrem

U we de mau my Stund tuet schla
Und i vo dir mues gah
I weis nid won i häregah
Aber da druuf chasch du di verla

I bi geng da
Uf das chasch du di blindlings verla
I bi geng da
Uf mi chasch du di verla

I bi geng da
Uf mi chasch du di immer verla

Guitar & Drum Fills: Mauro Grossud

Alles gseit #4

Ei Aabe won i gäge hei zue bi gloffe
Han i pär Zuefall no 's par Kumpels aatroffe
Natürlech sy mer de ga d Kehle netze
U hei de afa lyre, afa schwätze

Jede het bblöffet, was är alles besser weis
Lääi isch ds Bier worde, d Chöpf aber umso heiss
Lämppe het's de ggä nach em wysse Wy
Es rise Gschtürm het's de ggä derby
Giele jitz gan i hei, der Gspass isch jitz verby

I weis nid was ig jitz wyter söll lyre –
Warum dass ig's immer wider probiere
Es het doch jede geng sy hert Bärner Gring –
Es geit nid anders, als so wi geng
Es het doch e jede geng sy Meinig scho gha –
Nume ig weis d Wahrheit und die isch klar

I ha di Tuble de la wytergröole
I bi de ggange u ha ddänkt, das sy doch Lööle
U plötzlech han i's ganz klar vor mir gseh
Ja i ha se gha, die geniali Idee
I schrybe e Song, wo no niemer je ghört het
Das wird e grosse Hit, da hilf i jedi Wett
E coole Beat u ne geili Melodie
«Ein solches Lied, das gab's noch nie!»
E wyssi Syte ligt da vor mir so läär
E Song komponiere, das isch doch nid schwär
Nüt Nöis isch mir me i Sinn cho –
Verla het mi d Inspiration ...

Weis nid, was i hie no Nöis chönnt singe –
weis nid, was i hie no Nöis chönnt bringe
Es isch doch alles scho lengschtens verzellt –
Es isch doch alles scho lengschtens gseit
Es isch doch jedes Lied scho lengschtens gsunge –
U jede Ton scho lang verklunge
Isch jedi Fläsche ustrunke –
u scho ddänkt jede Gedanke?
Isch jede Bärng scho erklumme –
isch jede Wäg scho ggange?
Isch jedes Täller läär gässe –
die grossi Liebi vergässe?
Isch jede Himmel scho abegheit –
U jedes Wort würklech scho gseit?

Bass, Acc. Gitarre, Bearbeitig: Mauro Grossud

Verloore #5

E steile Pass han i – suber abgnoh
Jitz seckl i, dribble gäge ds Goal
Bis da eine chunt vo däm FC Hinderfotzige ufem
Land
Dä kickt mir eis voll a ds Schiinbei, nimmt der Ball u
bringt ne hei
... Jitz lig i hie im Gras

Mit mym Schatz ligen ig im Bett - und i finde, mir
hei's doch ganz fett
Knuutsche und schmuuse, danke nid a ds Pfuuse – i
wett i wär dy Teddybär
Früecher oder speter, chunt der Hanspeter u seit:
„Chumm jitz Baby, i schänke dir mys Härz“
... u ig blybe hie, alleinzi mit mym Hass

I bi ne Loser
E Füdle-Pfuuser
Cha mache was i wott
i chume nie ufene grüne Zweig

Ds Läbe lang han i - büglet wie ne Löu,
ha gschaffet, gschaffet für my Lohn
bis de eine isch - cho us Sanggalle 's isch e Hohn
Dä het aues nöi erfunde, het afa spare vo ganz unde
... jitze.– stahn i uf der Strass

Bi ne Verlüürer
E Füdle-Gfrüürer
Cha mache was i wott
i chume nie ufene grüne Zweig

Verlore han i – aus won i ha gha
U stah jitz hie fasch füdleblutt da
I ha niene es Bett, i bi total blank, ha ke müede
Rappe uf der Bank
Derfür chan i ändlech mache, was i wott, u i füele mi
e so total frei ...
... jitze – tanz i uf der Strass

Ha alles verlore
A ds Füdle gfroore
Cha mache was i wott
ja jitz tanzen i mi ändlech frei
Ha nümm z –verlüüre
Muess nie meh früüre
Cha mache was i wott
ja jitz singen i mi ändlech frei

*Reamping und Pre-Mix: Dave Muscheid
Reamping: Mauro Grossud*

*Merci allne, wo mit ghulfe hei!
Foto: Doris Flubacher
Co-Produktion: Mauro Grossud,
Sponsoring: St. Estdex
Mastering: Dan Suter - echochamber.ch*

*Speziellen Dank für die Inspirationen der Band
CHEMTRAIL:
Michel "HAARP" Scheidegger
Thomas "Hollow Moon" Kradolfer
Christian "Whistleblower" Pulver
Michael "Shapeshifter" Schlatter
Dänu "Flat Earth" Extrem*